



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. I. De Superstitione universim, ac in specie Primo de Idololatria.

urn:nbn:de:hbz:466:1-40673

ARTICULUS I.

De Superstitione universim, ac in specie Primo de Idololatria.

I. *Superstatio est falsa Religio, qua vel creatura cultu divino, vel Deus cultu indebito adoratur. Utraque superstatio, sive ratione rei culta, sive ratione modi, quo Deus colitur, plures sub se species continet.*

II. *Cultu indebito Deus adoratur, tam si colatur cultu falso, quam si cultus superfluo.*

III. *Quandonam jejunare diebus Dominicis dicatur Dei cultus superstiosus, aut superfluus, aut falsus?*

IV. *Cultus superstiosus falsus ex genere suo est mortale; Superfluus vero secundum se est peccatum veniale.*

V. *Idololatria proprie dicta habetur, quando quis Creatura tribuit honorem Deo debitum.*

VI. *Censura Bulla Cone tunc incurvantur ob Idololatriam, quando baptizatus internam simul, & externam Idololatriam committit cum errore intellectus, & pertinacia voluntatis. Ignorantia invincibilis, qua excusat ab heresi, nequit ab Idololatria excusare.*

I. **S**uperstatio idem est, ac falsa Religio, seu cultus vitiosus, quo vel colitur creatura cultu divino, vel Deus modo indebito. Unde duplex est Superstatio, altera ratione rei culta, altera ratione modi, quo Deus colitur. Prima continet sub se plures species, nam si colatur creatura cultu divino, talis superstatio dicitur Idololatria; si colatur creatura, ut aliquid occultum revelet, dicitur Divinatio; Si ut juvet, & dirigat nostras operationes, dicitur Vana observatio; Si ut operetur mira, dicitur Magia,

ad quam reducitur maleficium.

II. Secunda superstatio, videlicet colendi Deum modo indebito, habetur tam si colatur Deus cultu falso, quam si colatur cultu superfluo. Dicitur Deus coli cultu falso, verbi gratia, si adoremus Deum cæremoniis Judæorum, perinde ac si non esset adhuc incarnatus, aut si falsis miraculis vellemus nostram fidem comprobare; aut exponendo falsas reliquias, ut adorentur; aut mutando formas Sacramentorum; aut admiscendo turpia divinis officiis, tanquam partem illorum. Dicitur vero coli Deus cultu superfluo, quando ponitur Religio in iis rebus, aut circumstantiis, in quibus non est ponenda; verbi gratia, in numero tot candelarum talis coloris, in tali situ, &c., vel variando cæremonias Ecclesiæ, in missa addendo Alleluja, Credo, &c., quando non sunt dicenda. Eodem modo si quis, verbi gratia, putaret orandum esse ante folis ortum, ant si quis voveret in honorem Sancti Laurentii non edere carnes asfas die festo illius, eo quod ille igne sit assatus; vel qui voveret in honorem Beatae Virginis indui vestibus albis die fabbati, vel brutorum capita non edere in honorem Divi Joannis-Baptistæ, eo quod illi caput obruncatum fit. Ratio est, quia nihil horum confert in honorem Sanctorum, si præcise in iis sistatur; Unde nisi intendantur propria mortificatio, &c., talia vota sunt irrita, ut notat Sanch. lib. 4. cap. 7.

III. Quæritur nunc primo, An jejunare diebus Dominicis sit cultus Dei superstiosus?

Respondeo, Cajet. recensere tales cultum inter superstitiones falsos. Navar., & Sayr. recensent inter superstitiones superfluos; & D. Th. illum damnat; quia usus Ecclesiæ est excipere in Quadragesima tale jejunium, necnon anticipare vigiliam incidentem

in diem Dominicum; sicut etiam interdictitur tale jejunium in Cap. *Tanquam*, & in cap. *Ne quis jejunet*, de *Consecrat.* dif. 3.

Verum Sanch. lib. 2. cap. 3. distinguit; Nam si fiat in contemptum Resurrectionis Christi Domini, ut fiebat a Manichæis, aut cum scandalo, & errore, veluti reprobando Ecclesiæ consuetudinem, procul dubio est cultus falsus, & idcirco damnatus a jure, & a D. Th.: Si vero fiat cum singularitate, est cultus superfluus, & ideo secundum se peccatum veniale; unde qui voveret ordinarie diebus Dominicis, aut iis solum diebus jejunare, ad id non teneretur: Si demum fiat propter specialem devotionem, aut mortificationem, licitum est, & laudatur a Sancto Augustino, & Hieronymo, qui scribit Apostolos tale jejunium servasse; Unde votum sic jejunandi ob finem honestum, præciso scandalo, & singularitate, validum est, & honestum. Quare si quis voeat jejunare die festo alicujus Sancti, quocumque die incidat, tenetur jejunare, etiamsi incidat in diem Dominicum. Potest tamen, juxta Ecclesiæ consuetudinem tale jejunium transferre ad Sabbathum præcedens, quia sic votum commutatur in manifeste melius, conformando se universali ritui Ecclesiæ.

IV. Dico secundo, cultum superstitionis modi indebiti falso etiam ex genere suo esse mortale; Unde qui, verbi gratia, divinis officiis intermitat turpem sonum, & cantica profana, peccat mortaliter non solum peccato scandali, sed etiam superstitionis; si scilicet velit tali cultu falso Deum colere. Quod si ea non intermitteat ad Deum colendum cultu falso, sed solum ob vanam delectationem, peccabit mortaliter, vel venialiter contra reverentiam Deo debitam, prout gravis, vel levis erit irreverentia; Si enim cantica profana intermi-

sceantur, irreverentia erit gravis, si solum vana admisceantur, erit levis.

Dico tertio, cultum superstitionis superfluum secundum se peccatum veniale esse: Quare variare, verbi gratia, missæ ceremonias secundum se est veniale, nisi magna inversio ordinis contingat, quæ magnam includat irreverentiam.

V. Porro prima species superstitionis est Idololatria, quæ dicitur ab Idolo, quod est ethigies falsi numinis, cui cultus latræ Deo debitus exhibetur; Idololatria autem dupliciter sumi potest: Primo improprie pro qualibet peccato, cui homo adhaeret tanquam ultimum fini; Unde ad Ephes. 5. Avaritia vocatur Idololatria, & ad Philip. 2. dicitur, *Quorum Deus venit est*. Secundo proprie pro peccato, quo quis creaturæ tribuit honorem Dei. Rursus Idololatria proprie dicta subdividitur in Internam, per quam creatura existimatur digna honore Dei; & Externam, per quam tribuitur exterius creaturæ honor Dei.

VI. Quaritur nunc, An incurrit ex communicationem Bullæ Cœnæ quicunque Idololatra?

Respondeo, Idololatras gentiles non esse capaces censuræ, cum non sint ingressi Ecclesiam per januam baptismi, dicente Apostolo, *Quid ad me ditis, qui foris sunt, judicare?* Baptizati vero si committant peccatum Idololatriæ solum internæ, neque ullam censuram incurrint, cum Ecclesia non judicet de internis; Ipsa enim sensibilis, & visibilis est, & ideo solum propter peccatum externum, & sensibile minatur pœnas suas, videlicet censuras: Si vero committant peccatum Idololatriæ solum externæ, hoc est sine errore intellectus, verbi gratia, si adorent Idolum ob metum mortis, aut demonem ad aliquem turpem finem astsequendum, quin existimetur illum dignum honore Dei, neque cen-

soram incurunt; quia talis Idololatria, quamvis sit verum peccatum, & crimen lae Majestatis Divinæ, est tamen solum apparenſ, & falsa Idololatria, unde non ſubjacet poenit impositis Idololatriæ vera.

Quare tunc ſolum censuræ latæ in Bulla Cœnæ incurruunt ab Idololatra, quando baptizatus internam ſimul, & externam Idololatriam committit, ſcilicet cum errore intellectus, (aſtimando Deitatem eſſe in Idolo, ſeu in creature) & ſimul cum pertinacia voluntatis, videlicet id ſentiendo, etiamſi cognoſcat id eſſe contra universalem Ecclesiæ ſenſum, & contra lumen rationis; ac demum id manifestando adoratione externa. Unde fit, poſſe quidem ignorantiam invincibilem excuſare aliquando ab hærefi, ut ſi quis invincibiliter ignoret Mysterium Trinitatis; ſed ab Idololatria excuſare non poterit ignorantia, quia recta ratio, ſeu lumen rationis naturale evidenter manifestat non eſſe colendam creaturam loco Dei.

ARTICULUS II.

De Divinatione.

- I. *Divinatio eſt prænunciatio rerum occultarum ope dæmonis facta.*
- II. *Divinatio habetur vel cum expreſſa, vel cum tacita dæmonis invocatione; Eaque haberi potest, etiamſi quis profeſetur ſe nolle dæmonem invocare.*
- III. *Ars inveniendi furtum occultum, vel quid simile per Astrologiam eſt ſuperstitioſa.*
- IV. *Divinatio per expreſſam dæmonis invocationem eſt multiplex, videlicet Oraculum, Praeſtigium, Necromantia, &c.: ſicut eſt multiplex per dæmonis invocationem tacitam, ut Astrologia, Auguriū, Omen, Chiromantia, &c.*

V. *Sortilegium divinatorum de ſe eft mortale. Quid de Consultorio, aut Diviſorio?*

VI. *Non datur materia parvitas in Divinatione. Multipliciter tamen ſape a mortalī excuſatur Divinatio, videlicet ratione ignorancia, curiositatis, joci, &c.*

VII. *Ejusdem ſpeciei ſunt omnes divinationes, ſive fiant cum tacita, ſive cum expreſſa dæmonis invocatione: ſape tamen expreſſa invocatione annectitur aliis peccatis in Confessione explicandis.*

VIII. *Quandonam liceat ſomnia, motus animalium, aut aſtra obſervare?*

IX. *Physionomia quomodo liceat? Non licet tamen Aegyptios consulere, ut futuros evenus predicanter.*

I. **D**ivinatio idem ſonat, ac divina actio; cum enim prænunciatio futurorum ſoli Deo competat, hinc prænunciatio futurorum, neconon rerum occultarum inordinate quaſita, ſeu ope dæmonis facta dicitur Divinatio, quæ altera species ſuperstitionis eſt, cum a dæmonе expoſcatur id, quod proprium Dei eſt.

II. Quæritur primo, Quotuplex fit Divinatio?

Respondeo, Divinationem dupli- citer evenire poſſe, Primo cum expreſſa dæmonis invocatione, & cum pacto explicite inito, ut contingit, quando divinator expreſſe intendit invocare dæmonem, vel quando ſcienſ dæmonem per aliquod ſignum manifestare latentia uitit tali ſigno, ut ſibi latentia manifestentur. Secundo cum tacita dæmonis invocatione, & cum pacto im- plicie contracto; ut contingit quando quis mediis vanis, quibus te iminiſcet dæmon, nititur adipisci notitiam rerum occultarum, quam humana arte com- parare non potheſt. Ubi notandum, divinationem cum tacita dæmonis invocatione etiam contingere, quando quis